



Bosna i Hercegovina
Босна и Херцеговина

Agencija za
identifikacione/identifikacijske
dokumente/isprave, evidenciju i razmjenu
podataka Bosne i Hercegovine



Агенција за
идентификациона документа,
евиденцију и размјену
података Босне и Херцеговине

Sektor za finansijske/finansijske i
pravne poslove

Сектор за финансијске и
правне послове

Broj: [REDACTED]/2024

Datum: 26.02.2024. godine

[REDACTED]

71000 Sarajevo

P R E D M E T: Podaci o umrlim osobama- odgovor, dostavlja se,
V E Z A: Vaš akt od 16.02.2024.godine

Agencija za identifikaciona dokumenta, evidenciju i razmjenu podataka Bosne i Hercegovine (u daljem tekstu: IDDEEA) zaprimila je 19.02.2024.godine akt [REDACTED] slobodne i poštene izbore [REDACTED] kojim traži odobravanje pristupa podacima iz evidencije Centralnog biračkog spiska koju tehnički vodi i održava IDDEEA za lica navedena u tabeli koja čini prilog predmetnog zahtjeva odnosno dostavljanje podataka za 1000 preminulih sa područja 70 opština/gradova prikupljenih sa osmrtnica u dnevnoj štampi, kao i na specijalizovanim portalima.

Dalje, u svom zahtjevu navode da provode istraživanje kojim se, između ostalog, želi analizirati proces ažuriranja Izvoda iz centralnog biračkog spiska odnosno u svrhu utvrđivanja da li se osobe koje se nalaze na spisku u prilogu nalaze i u bazi preminulih lica.

Prema članu 8. stav (4) Zakona o IDDEEA-i, IDDEEA je isključivo nadležna za tehničko održavanje i elektronsko arhiviranje podataka i informacija koje se vode u evidencijama kao javnog dobra na nivou Bosne i Hercegovine, dok je u stavu (5) istog člana navedeno da IDDEEA nije vlasnik podataka pohranjenih u evidencijama nego je to izvorni organ.

Dalje, članom 2. Zakona o IDDEEA-i jasno i nedvosmisleno su definisani pojmovi izvorni/ nadležni organi kojima IDDEEA treba da omogući pristup podacima sadržanih u evidencijama. Izvorni/nadležni organ u smislu propisane zakonske definicije je institucija koja saraduje sa IDDEEA-om, odnosno institucija koja obrađuje podatke i koja je vlasnik



podataka koji se dostavljaju u centralne registre ili koja IDDEEA-i dostavlja zahtjeve za personalizaciju dokumenata ili koja prenosi svoje podatke putem mreže koju vodi IDDEEA.

Istim članom stav (1) Zakona o IDDEEA-i, propisano je da je centralna evidencija skup podataka koje prilikom vođenja upravnih postupaka prikupljaju nadležni i izvorni organi i elektronskim putem dostavljaju u baze podataka koje se nalaze u IDDEEA-i. Dakle, navedenom zakonskom odredbom utvrđen je pravni temelj za vođenje, tehničko održavanje i elektronsko arhiviranje podataka i informacija od strane IDDEEA na nivou BiH.

Članom 48. Pravilnika o sadržaju i načinu vođenja evidencija („Službeni glasnik BiH“ broj: 55/15) (u daljem tekstu: Pravilnik) je propisano da podatke iz Centralnog biračkog spiska IDDEEA dostavlja isključivo Centralnoj izbornoj komisiji upotrebom kompjuterske obrade podataka po jedinstvenoj metodologiji i programu čiji se sadržaj i način korištenja utvrđuju između IDDEEA-e i Centralne izborne komisije, u skladu sa Izbornim zakonom Bosne i Hercegovine.

Dalje, članom 47. pomenutog Pravilnika jasno i nedvosmisleno su definisani pojmovi izvorni organi za podatke iz evidencije o centralnog biračkog spiska koji dostavljaju podatke IDDEEA-i. Izvorni organi za podatke u ovoj evidenciji su nadležni organ koji su zaduženi za dostavu podataka u registre vezane za registar Centralnog biračkog spiska Bosne i Hercegovine i drugi organi propisani Izbornim zakonom Bosne i Hercegovine.

Prema članu 11. stav (1) Jedinstvene metodologije i programa obrade i vođenja Centralnog biračkog spiska, izborne komisije, zajedno sa Centrima za birački spisak, su odgovorne za poslove vođenja i ažuriranja Centralnog biračkog spiska, korištenjem aplikativnog software- na nivou osnovne izborne jedinice za koju su nadležne. Istim članom stavom (2) Jedinstvene metodologije i programa obrade i vođenja Centralnog biračkog spiska, je propisano da izborne komisije imaju zadatak određivanja biračkih mjesta za birače za osnovnu izbornu jedinicu za koju su nadležne, praćenje tačnosti i ažurnosti podataka iz Centralnog biračkog spiska za nadležnu osnovnu izbornu jedinicu, osiguranje dopunskih podataka za pojedine birače, izlaganje izvoda iz Centralnog biračkog spiska i slično, dok je u stavu (4) tačka e) predmetne Metodologije koja se odnosi na poslove i

odgovornosti izborne komisije navedeno da izborne komisije ažuriraju podatke o osobama za koje su utvrdile da su preminule.

Nadalje, Pravilnikom o upotrebi i izradi izvoda iz Centralnog biračkog spiska je propisano da u svakoj opštini/općini, gradu i Brčko distriktu Bosne i Hercegovine nadležni organ uspostavlja centar za birački spisak koji podnosi sedmični izvještaj Centralnoj izbornoj komisiji Bosne i Hercegovine, putem nadležne izborne komisije.

Skladno navedenim definicijama u isključivoj nadležnosti IDDEEA-e je tehničko vođenje i održavanje evidencije Centralnog biračkog spiska u ime drugih nadležnih organa na osnovu podataka koje dostavljaju nadležni matični uredi o činjenici smrti državljana Bosne i Hercegovine, nadležna ministarstva Bosne i Hercegovine o ispisu iz državljanstva Bosne i Hercegovine, te Ured za Javni registar Brčko distrikt Bosne i Hercegovine o entitetskom državljanstvu.

Cijeneći gore navedeno kao citirane zakonske i podzakonske odredbe, a imajući u vidu nadležnosti predmetnih organa propisane posebnim važećim propisima koji se odnose na utvrđivanje zakonitosti izbornog procesa naročito u pogledu činjenice vezano za vođenje biračkog spiska, da se sa predmetnim zahtjevom obratite izbornim komisijama u čijoj je nadležnosti ažuriranje podataka o osobama za koje su utvrdile da su preminule, obzirom na činjenicu da posjedujete dovoljno podataka o umrlim licima.

S poštovanjem,


DIREKTOR
Prof. dr. Almir Badnjević
digitalno potpisano / digitalno potpisano / digitally signed

Dostavljeno:

- Koalicija „Pod lupom“
- a/a.